

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-2253/21
Sarajevo, 15.12.2021. godine

Z A P I S N I K
15. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 9. i 15.12.2021. godine

Sjednica je počela sa radom u 12:22 sati.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio prisutne delegate te napomenuo da se i ova sjednica održava pod posebnim epidemiološkim pravilima.

Izostanak sa sjednice su opravdali: Žarko Vujović, Marija Rašić i Hadis Jusić.

Prema evidenciji Stručne službe sjednici prisustvuje 37 delegata, što čini većinu, pa Dom naroda može raditi i punovažno odlučivati.

Prije prelaska na rad, predsjedavajući je predložio usvajanje Zapisnika sa 14. sjednice Doma naroda Parlamenta Federacije BiH.

Na osnovu rezultata glasanja, predsjedavajući je konstatovao da je Dom naroda, bez primjedbi, sa 37 glasova za, bez glasova protiv i bez suzdržanih glasova, usvojio Zapisnik sa 14. sjednice Doma naroda Parlamenta Federacije BiH, održane 4. i 23.11.2021. godine.

Prije utvrđivanja dnevnog reda, u skladu sa odredbama Poslovnika i člana 104. Poslovnika od radu Doma naroda delegati mogu postavljati delegatska pitanja i pokretati delegatske inicijative.

Senad Ahmetović je postavio pitanje potpredsjednici Federacije u vezi smjene ili ostavke premijera Vlade Federacije BiH, Fadila Novalića.

Također je postavio pitanje u vezi ponovne uspostave elektronskog brojanja u Domu naroda, kako se ne bi moralo tražiti pojedinačno izjašnjavanje delegata.

Inicijativu je uputio delegatima da, ako su u mogućnosti dođu na sjednicu Skupštine Posavskog kantona kako bi na taj način ohrabрили vladajuće stranke da provedu odluke Ustavnog suda i izmjene Ustava Posavskog kantona po Ustavu Federacije BiH.

Ilija Nakić je postavio dva delegatska pitanja.

Na osnovu člana 10. Poslovnika o radu Doma naroda, on je postavio pitanje u vezi izdvojenih sredstava Vlade Federacije BiH za uvezivanje radnog staža i dostavu tabelarnog prikaza sa uložnim sredstvima po preduzećima.

Također je zatražio tačnu informaciju u vezi početka izgradnje Bloka 7 i šta se tačno radi po istom.

Zdenka Džambas je postavila dva pitanja.

Prvo pitanje je postavila ministru za vanjsku trgovinu i ekonomske odnose u vezi izvještaja o stanju u oblasti namjenske industrije.

Drugo pitanje je postavila premijeru Vlade Federacije BiH, Fadilu Novaliću u vezi aktivnosti poduzetih od strane Vlade Federacije BiH, povodom trenutnog povećanja cijena u Federaciji BiH.

Vibor Handžić je uputio tri Inicijative.

Prvu Inicijativu je uputio Domu naroda, da se u što kraćem roku uvrsti Nacrt zakona o zaštiti od nasilja u porodici, koji je usvojen u julu ove godine u Predstavničkom domu.

Drugu inicijativu je uputio rukovodstvu Doma da se omogući prisustvo nekoga od predstavnika Ostalih u Domu naroda na sjednicama Kolegija.

Treću inicijativu je uputio Ministarstvu prostornog uređenja da mu se dostavi akt kojim to Ministarstvo povlači Prijedlog prostornog plana Federacije BiH.

Vesna Saradžić je postavila dva pitanja.

Prvo pitanje je postavila Federalnom ministarstvu okoliša i turizma u vezi unaprjeđenja sistema prijavljivanja nelegalnog odlaganja otpada i uspostavljanja koordinacije između građana i nadležnih inspeksijskih i pravosudnih organa.

Drugo pitanje je postavila Federalnom ministarstvu zdravlja u vezi uništenja vakcina kojima je istekao rok upotrebe.

Rasim Kantarević je uputio Inicijativu Kolegiju Doma naroda i Vladi Federacije BiH za uvrštavanje u dnevni red neke od narednih sjednica Doma naroda Parlamenta Federacije BiH, Zakona o izmjenama i dopunama Zakona o penzijskom i invalidskom osiguranju.

Tomislav Mandić je postavio dva pitanja.

Prvo pitanje je postavio Upravi za indirektno oporezivanje u vezi regulacije prometa za Međunarodni granični prijelaz.

Drugo pitanje je postavio Upravi JP Autoceste Federacije BiH u vezi održavanja dionica autoceste Svilaj - Odžak.

Ramo Isak je postavio dva pitanja.

Prvo pitanje je postavio Vladi Federacije BiH u vezi postupka imenovanja direktora Federalne uprave policije.

Drugo pitanje je postavio zamjeniku direktora detašmana FUP Zenica u vezi poduzetih radnji, a koje nisu u skladu sa zakonom.

Rasim Pajić je postavio pitanje predsjedavajućem Doma naroda, Vladi Federacije BiH, Ministarstvu zdravstva i Ministarstvu poljoprivrede u vezi pokretanja izmjena i dopuna zakonske regulative kojom se omogućuje direktorima zdravstvenih i veterinarskih ustanova da mogu biti pravnici i ekonomisti.

Mirela Trepanić Grbešić je uputila Inicijativu za uvrštavanje u dnevni red Nacrta zakona o uspostavljanju registra pedofila.

Iva Raguž je uputila Inicijativu Federalnom ministarstvu rada i socijalne politike za donošenje posebnog propisa u oblasti uređenja radno-pravnog odnosa roditelja djece sa invaliditetom, u skladu sa odredbama Zakona o radu Federacije BiH.

Mladen Simić je uputio Inicijativu Federalnom ministarstvu okoliša i turizma u vezi potpunijeg i pouzdanijeg kompletiranja zahtjeva za izdavanje okolinskih dozvola.

Elmedin Konaković je postavio pitanje premijeru Vlade Federacije BiH u vezi sistematizacije mjesta u Vladi Federacije BiH, podnesenih apelacija Ustavnom sudu BiH, troškova službenog puta.

Damir Marjanović je uputio Inicijativu premijeru Vlade Federacije BiH Fadilu Novaliću u vezi poštivanja roka za dostavu Budžeta Federacije BiH za 2022. godinu.

Jasmin Duvnjak je postavio nekoliko pitanja i uputio nekoliko inicijativa.

Prvo pitanje je vezano za fazu pripreme i utvrđivanja Prijedloga zakona o elektronskom potpisu.

Inicijativu je uputio Federalnom ministarstvu unutrašnjih poslova da se sačini izvještaj u saradnji sa kantonalnim ministarstvima unutrašnjih poslova o materijalno-tehničkoj opremljenosti policijskih struktura i statusu policijskih službenika na svim nivoima u FBiH.

Drugu Inicijativu je uputio predsjedniku Federacije BiH da se započne sa postupkom imenovanja sudija Ustavnog suda FBiH.

Treću inicijativu je uputio predsjedniku Federacije BiH u vezi popune preostalih nepopunjenih pozicija ministara u Vladi Federacije BiH.

Damir Džeba je postavio pitanje premijeru Vlade Federacije BiH Fadilu Novaliću u vezi izjava koje je dao prilikom službene posjete Njemačkoj, Belgiji i Luksemburgu.

Daliborka Milović je postavila pitanje predsjedniku Federacije BiH, Marinku Čavari u vezi prijedloga za popunjavanje Vijeća za zaštitu vitalnog nacionalnog interesa pri Ustavnom sudu Federacije BiH.

Aner Žuljević je uputio Inicijativu prema resornom Ministarstvu rada i socijalne politike, odnosno penzijsko-invalidskom fondu da dostave informacije u vezi nepodudaranja iznosa penzije u RS-u i u Federaciji.

Zdenka Džambas je saopštila Zaključak Zakonodavno-pravne komisije kojim se obavještava Dom naroda, da uzimajući u obzir praksu Ustavnog suda BiH nisu u mogućnosti ispoštovati proceduru propisanu Poslovníkom o radu Doma naroda, te traži od Kolegija Doma naroda da pokuša pronaći rješenje ili izmjenu procedure propisanu Poslovníkom o radu ili zauzimanjem određenog stava Doma naroda, u vezi odluka Ustavnog suda, na koje je rok odgovora 15 dana.

Potom se prešlo na utvrđivanje dnevnog reda.

Predsjedavajući je nakon toga saopštio delegatima sljedeće prijedloge:

1. Prijedlog Kolegija Doma naroda da se Prijedlog zakona o dopunama Zakona o električnoj energiji, kao i u Predstavničkom domu, razmatra u formi Nacrta.
2. Prijedlog Kolegija Doma naroda da se Prijedlog zakona o izmjeni Zakona o matičnim knjigama, kao i u Predstavničkom domu, razmatra u formi Nacrta zakona.
3. Prijedlog Kolegija Doma naroda da se u dnevni red sjednice Doma naroda uvrste sljedeće tačke: Prijedlog zakona o izmjeni Zakona o obaveznim osiguranjima u prometu - skraćeni postupak i Prijedlog zakona o izmjeni Zakona o osiguranju - skraćeni postupak, jer se radi o dva zakona koji imaju minimalne izmjene.
4. Prijedlog Kolegija Doma naroda da se u dnevni red uvrsti i Prijedlog zakona o izmjeni Zakona o utvrđivanju ostvarivanja potraživanja građana u postupku privatizacije.
5. Prijedlog Kolegija Doma naroda je da se u formi nacrta razmatra i Nacrt zakona o izmjenama i dopunama Zakona o sukobu interesa u tijelima vlasti FBiH, kojeg je tako usvojio Predstavnički dom.
6. Prijedlog Kolegija je i da se u dnevni red uvrsti i Odluka Ustavnog suda BiH AP-2985/19 od 8.7.2021. godine i Strategija razvoja Federacije BiH 2021-2027.godina.

Nijaz Musić je predložio da se u dnevni red uvrste zaključci Komisije za sigurnost Doma naroda, koji su utvrđeni neposredno prije početka sjednice:

ZAKLJUČCI

1. Dom naroda Parlamenta Federacije traži od Nezavisnog odbora da u skladu sa članom 56. stav 5. Zakona o unutrašnjim poslovima Federacije BiH kvartalno izvještava Parlament FBiH o radu direktora policije.
2. Komisija za sigurnost Doma naroda Parlamenta Federacije BiH traži od Doma naroda i od Predstavničkog doma formiranje radne komisije, grupe za izbor i imenovanje Nezavisnog odbora, a s obzirom da aktuelnom Nezavisnom odboru istječe mandat u maju 2022. godine.

3. Dom naroda zadužuje Vladu Federacije BiH da u što kraćem roku okonča proceduru imenovanja direktora FUP-a u skladu sa važećim propisima.

Damir Marjanović je predložio da se Strategija razvoja Federacije BiH razmatra na nekoj od narednih sjednica, kako bi bilo dovoljno vremena za čitanje materijala.

Potom se prešlo na izjašnjavanje o prijedlozima Kolegija:

1. Vlada Federacije BiH dostavila je Prijedlog zakona o dopuni Zakona o električnoj energiji sa prijedlogom da se razmatra po hitnom postupku. Predstavnički dom Parlamenta Federacije BiH nije prihvatio da se Prijedlog zakona o dopuni Zakona o električnoj energiji razmatra po hitnom postupku nego je isti vratio u redovnu proceduru odnosno u formu Nacrta zakona. Prijedlog Kolegija je da se ovaj zakon razmatra u formi Nacrta. Na osnovu rezultata glasanja, predsjedavajući je konstatovao da je ovaj prijedlog dobio potrebnu većinu sa 45 glasova za, bez glasova protiv i bez suzdržanih.
2. Vlada Federacije BiH dostavila je Prijedlog zakona o izmjeni Zakona o matičnim knjigama sa prijedlogom da se razmatra po skraćenom postupku. Predstavnički dom Parlamenta Federacije BiH nije prihvatio da se Prijedlog zakona o izmjeni Zakona o matičnim knjigama razmatra po skraćenom postupku nego je isti vratio u redovnu proceduru odnosno u formu Nacrta zakona. Prijedlog Kolegija je da se ovaj zakon razmatra u formi Nacrta. Na osnovu rezultata glasanja, predsjedavajući je konstatovao da je ovaj prijedlog dobio potrebnu većinu sa 44 glasa za, bez glasova protiv i bez suzdržanih.

Vlada Federacije BiH dostavila je Prijedlog zakona o izmjenama i dopunama Zakona o namještenicima u organima državne službe u FBiH, s prijedlogom da se razmatra po skraćenom postupku.

Na osnovu rezultata glasanja, predsjedavajući je konstatovao da je ovaj Prijedlog dobio potrebnu većinu sa 38 glasova za, bez glasova protiv i bez suzdržanih.

Delegat u Domu naroda Parlamenta Federacije BiH Stipan Šarac podnio je Prijedlog zakona o dopuni Zakona o izdvajanju i usmjeravanju dijela prihoda ostvarenog korištenjem hidroakumulacionih objekata s prijedlogom da se razmatra po skraćenom postupku.

Na osnovu rezultata glasanja, predsjedavajući je konstatovao da je ovaj prijedlog dobio potrebnu većinu sa 44 glasa za, bez glasova protiv i bez suzdržanih.

3. Na osnovu rezultata glasanja, predsjedavajući je konstatovao da je prijedlog da se Prijedlog zakona o izmjeni Zakona o obaveznim osiguranjima u prometu razmatra po skraćenom postupku, dobio potrebnu većinu sa 46 glasova za.

Na osnovu rezultata glasanja, predsjedavajući je konstatovao da je prijedlog da se Prijedlog zakona o izmjeni Zakona o osiguranju razmatra po skraćenom postupku, dobio potrebnu većinu sa 46 glasova za.

4. Na osnovu rezultata glasanja, predsjedavajući je konstatovao da je prijedlog da se Prijedlog zakona o izmjeni Zakona o utvrđivanju i ostvarivanju potraživanja građana u postupku privatizacije razmatra po skraćenom postupku, dobio potrebnu većinu sa 46 glasova za.
5. Na osnovu rezultata glasanja, predsjedavajući je konstatovao da je prijedlog da se Zakon o izmjenama i dopunama Zakona o sukobu interesa tijelima vlasti FBiH, koji je dostavljen u formi Prijedloga, razmatra u formi Nacrta, dobio potrebnu većinu sa 49 glasova za, bez glasova protiv i bez suzdržanih.
6. Na osnovu rezultata glasanja, predsjedavajući je konstatovao da je prijedlog da se u dnevni red uvrsti Odluka Ustavnog suda BiH AP-2985/19 od 8.7.2021. godine, dobio potrebnu većinu, sa 49 glasova za, bez glasova protiv i bez suzdržanih.

Na osnovu rezultata glasanja, predsjedavajući je konstatovao da je prijedlog da se u dnevni red uvrsti Strategija razvoja Federacije BiH 2021.-2027., dobio potrebnu većinu, sa 49 glasova za, bez glasova protiv i bez suzdržanih.

Komisija za sigurnost Doma naroda Parlamenta Federacije BiH je predložila zaključke vezane za rad Nezavisnog odbora, odnosno Ministarstva unutrašnjih poslova FBiH, koje je Nijaz Musić, predsjednik Komisije pročitao na sjednici.

Na osnovu rezultata glasanja, predsjedavajući je konstatovao da je prijedlog da se u dnevni red uvrste Zaključci Komisije za sigurnost Doma naroda Parlamenta Federacije BiH dobio potrebnu većinu, sa 49 glasova za, bez glasova protiv i bez suzdržanih.

Za sjednicu je predložen sljedeći:

D N E V N I R E D

1. Odluka Ustavnog suda Bosne i Hercegovine, broj: AP-2985/19 od 8.7.2021. godine,
2. a) Informacija o epidemiološkoj situaciji COVID-19 u Federaciji Bosne i Hercegovine na dan 04.10.2021. s prijedlogom naredbi i preporuka Kriznog štaba Federalnog ministarstva zdravstva,
b) Informacija o epidemiološkoj situaciji COVID-19 u Federaciji Bosne i Hercegovine na dan 18.10.2021. s prijedlogom naredbi i preporuka Kriznog štaba Federalnog ministarstva zdravstva,

3. Informacija Federalnog ministarstva energije, rudarstva i industrije o stanju u rudnicima uglja Federacije Bosne i Hercegovine,
4. Prijedlog zakona o dopuni Zakona o izdvajanju i usmjeravanju dijela prihoda preduzeća ostvarenog korištenjem hidroakumulacionih objekata - (predlagač: Stipan Šarac, delegat u Domu naroda) - skraćeni postupak,
5. Prijedlog zakona o izmjenama i dopuni Zakona o namještenicima u organima državne službe u Federaciji Bosne i Hercegovine - skraćeni postupak,
6. Prijedlog zakona o izmjeni Zakona o obaveznim osiguranjima u saobraćaju - skraćeni postupak,
7. Prijedlog zakona o izmjeni Zakona o osiguranju - skraćeni postupak,
8. Prijedlog zakona o izmjeni Zakona o utvrđivanju i ostvarivanju potraživanja građana u postupku privatizacije - skraćeni postupak
9. Nacrt zakona o dopunama Zakona o električnoj energiji u Federaciji Bosne i Hercegovine,
10. Nacrt zakona o izmjenama Zakona o veterinarstvu,
11. Nacrt zakona o advokaturi Federacije Bosne i Hercegovine,
12. Nacrt zakona o vještacima u Federaciji Bosne i Hercegovine,
13. Nacrt zakona o izmjeni Zakona o matičnim knjigama,
14. Nacrt zakona o izmjenama i dopunama Zakona o sukobu interesa u organima vlasti u Federaciji Bosne i Hercegovine (predlagači: Elmedin Konaković, delegat u Domu naroda Parlamenta Federacije BiH i Irfan Čengić, poslanik u Predstavničkom domu Parlamenta Federacije BiH)
15. Strategija razvoja Federacije BiH 2021. - 2027. godine,
16. Prijedlog odluke o prihvaćanju zaduženja po Ugovoru o finansiranju između Bosne i Hercegovine i Europske investicijske banke (EIB) za realizaciju Projekta Gradski prijevoz u Sarajevu,
17. Zaključak Komisije za sigurnost Doma naroda Parlamenta Federacije BiH.

Na osnovu rezultata glasanja, predsjedavajući je konstatovao da je Dom naroda sa 49 glasova za, bez glasova protiv i bez suzdržanih glasova usvojio predloženi dnevni red.

1. Odluka Ustavnog suda Bosne i Hercegovine, broj: AP-2985/19 od 8.7.2021. godine,

Ustavni sud BiH je Parlamentu Federacije BiH dostavio Odluku broj: AP-2985/19 od 8.7.2021. godine.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda sa 41 glasom za, bez glasova protiv i bez suzdržanih, prihvatio sljedeći:

ZAKLJUČAK

Zadužuje se premijer Federacije BiH da u skladu sa Ustavom Federacije BiH, osigura izvršenje Odluke Ustavnog suda BiH broj: AP-2985/19 od 8.7.2021. godine.

- 2. a) Informacija o epidemiološkoj situaciji COVID-19 u Federaciji Bosne i Hercegovine na dan 04.10.2021. s prijedlogom naredbi i preporuka Kriznog štaba Federalnog ministarstva zdravstva,**
- b) Informacija o epidemiološkoj situaciji COVID-19 u Federaciji Bosne i Hercegovine na dan 18.10.2021. s prijedlogom naredbi i preporuka Kriznog štaba Federalnog ministarstva zdravstva,**

Predstavnički dom je obavijestio Dom naroda da je na sjednici održanoj 27.10.2021. godine razmatrao i primio k znanju Informaciju o epidemiološkoj situaciji COVID-19 u Federaciji Bosne i Hercegovine na dan 4.10. i 8.10.2021., s prijedlogom naredbi i preporuka Kriznog štaba Federalnog ministarstva zdravstva.

Informaciju su obrazložili Goran Čerkez i Mia Blažević, predstavnici Federalnog ministarstva zdravstva.

U raspravi su učestvovali Zvonko Marić, Ilija Nakić, Damir Marjanović, Damir Džeba, Ivo Tadić, Goran Čerkez i Mia Blažević.

Predsjedavajući je konstatovao da je Dom naroda primio k znanju Informaciju o epidemiološkoj situaciji COVID-19 u Federaciji Bosne i Hercegovine na dan 4.10. i 18.10.2021. s prijedlogom naredbi i preporuka Kriznog štaba Federalnog ministarstva zdravstva.

3. Informacija Federalnog ministarstva energije, rudarstva i industrije o stanju u rudnicima uglja Federacije Bosne i Hercegovine,

Vlada Federacije BiH dostavila je Informaciju Federalnog ministarstva energije, rudarstva i industrije o stanju u rudnicima uglja Federacije Bosne i Hercegovine, radi razmatranja i usvajanja.

Predstavnički dom obavijestio je Dom naroda da je na 27. sjednici, održanoj 30.11.2021. godine, razmatrao Informaciju Federalnog ministarstva energije, rudarstva i industrije o stanju u rudnicima uglja Federacije Bosne i Hercegovine i tom prilikom usvojio zaključke.

Informaciju je obrazložio Amir Haličević, pomoćnik Federalnog ministarstva energije, rudarstva i industrije.

U raspravi su učestvovali Zvonko Marić, Senad Ahmetović i Stipo Buljan.

S obzirom da se radi o materijalima koji su dostavljeni Parlamentu Federacije BiH radi informisanja, predsjedavajući je konstatovao da je Dom naroda Parlamenta Federacije BiH primio k znanju Informaciju Federalnog ministarstva energije, rudarstva i industrije o stanju u rudnicima uglja Federacije Bosne i Hercegovine.

4. Prijedlog zakona o dopuni Zakona o izdvajanju i usmjeravanju dijela prihoda preduzeća ostvarenog korištenjem hidroakumulacionih objekata – (predlagač: Stipan Šarac, delegat u Domu naroda) - skraćeni postupak,

Predstavnički dom obavijestio je Dom naroda da je na 25. sjednici, održanoj 27.9.2021. godine usvojio Prijedlog zakona o dopuni Zakona o izdvajanju i usmjeravanju dijela prihoda preduzeća ostvarenog korištenjem hidroakumulacionih objekata, sa jednim amandmanom predlagača Petra Galića i Ante Bakovića, poslanika u Predstavničkom domu, koji je postao sastavni dio Prijedloga zakona.

Tekst Prijedloga zakona delegata Stipana Šarca je istovjetan Prijedlogu zakona kojeg su podnijeli Petar Galić i Ante Baković.

Prijedlog zakona dostavljen je Vladi Federacije BiH radi davanja mišljenja.

Prijedlog zakona razmatrala su i nadležna radna tijela.

Prijedlog zakona obrazložio je Stipan Šarac, predlagač zakona.

U raspravi niko nije učestvovao.

Na osnovu rezultata glasanja, predsjedavajući je konstatovao da je Prijedlog zakona o dopuni Zakona o izdvajanju i usmjeravanju dijela prihoda preduzeća ostvarenog korištenjem hidroakumulacionih objekata dobio potrebnu većinu, sa 35 glasova za, bez glasova protiv i bez suzdržanih.

5. Prijedlog zakona o izmjenama i dopuni Zakona o namještenicima u organima državne službe u Federaciji Bosne i Hercegovine – skraćeni postupak,

Tekst prijedloga zakona utvrdila je Vlada Federacije BiH.

Predstavnički dom obavijestio je Dom naroda da je na svojoj 25. sjednici održanoj 27.9.2021. godine usvojio Prijedlog zakona o izmjenama i dopuni Zakona o namještenicima u organima državne službe u Federaciji Bosne i Hercegovine - skraćeni postupak.

Prijedlog zakona obrazložio je Alen Taletić, pomoćnik Federalnog ministra pravde.

U raspravi su učestvovali Boris Krešić, Ivo Tadić i Alen Taletić.

Na osnovu rezultata glasanja, predsjedavajući je konstatovao da je Prijedlog zakona o izmjenama i dopuni Zakona o namještenicima u organima državne službe u Federaciji Bosne i Hercegovine dobio potrebnu većinu, sa 38 glasova za, bez glasova protiv i 2 suzdržana glasa.

6. Prijedlog zakona o izmjeni Zakona o obaveznim osiguranjima u saobraćaju - skraćeni postupak,

Prijedlog zakona utvrdila je Vlada Federacije BiH.

Predstavnički dom obavijestio je Dom naroda da je na 26. sjednici, održanoj 27.10.2021. godine usvojio Prijedlog zakona o izmjeni Zakona o obaveznim osiguranjima u saobraćaju, u tekstu kako ga je predložila Vlada Federacije BiH.

U raspravi niko nije učestvovao.

Na osnovu rezultata glasanja, predsjedavajući je konstatovao da je Prijedlog zakona o izmjeni Zakona o obaveznim osiguranjima u saobraćaju dobio potrebnu većinu, sa 41 glasom za, bez glasova protiv i bez suzdržanih.

7. Prijedlog zakona o izmjeni Zakona o osiguranju - skraćeni postupak,

Prijedlog zakona utvrdila je Vlada Federacije BiH.

Predstavnički dom obavijestio je Dom naroda da je na 26. sjednici, održanoj 27.10.2021. godine usvojio Prijedlog zakona o izmjeni Zakona o osiguranju u tekstu kako ga je predložila Vlada Federacije BiH.

U raspravi niko nije učestvovao.

Na osnovu rezultata glasanja, predsjedavajući je konstatovao da je Prijedlog zakona o izmjeni Zakona o osiguranju dobio potrebnu većinu, sa 34 glasa za, bez glasova protiv i bez suzdržanih.

8. Prijedlog zakona o izmjeni Zakona o utvrđivanju i ostvarivanju potraživanja građana u postupku privatizacije - skraćeni postupak

Prijedlog zakona utvrdila je Vlada Federacije BiH.

Predstavnički dom obavijestio je Dom naroda da je na 27. sjednici, održanoj 30.11.2021. godine, usvojio Prijedlog zakona o izmjeni Zakona o utvrđivanju i ostvarivanju potraživanja građana u postupku privatizacije.

U raspravi niko nije učestvovao.

Na osnovu rezultata glasanja, predsjedavajući je konstatovao da je Prijedlog zakona o izmjeni Zakona o utvrđivanju i ostvarivanju potraživanja građana u postupku

privatizacije dobio potrebnu većinu sa 35 glasova za, sa jednim glasom protiv i bez suzdržanih glasova.

9. Nacrt zakona o dopunama Zakona o električnoj energiji u Federaciji Bosne i Hercegovine,

Nacrt zakona utvrdila je Vlada Federacije BiH.

Predstavnički dom obavijestio je Dom naroda da na 21. sjednici, održanoj 27.4.2021. godine, nije prihvatio da Prijedlog zakona o dopunama Zakona o električnoj energiji u Federaciji Bosne i Hercegovine razmatra po hitnom postupku, nego je isti vratio u redovnu proceduru, u formu Nacrta i Zaključkom ga prihvatio.

Nacrt zakona razmatrala su nadležna radna tijela.

Nacrt zakona obrazložio je Halko Balavac, pomoćnik Federalnog ministra energije, rudarstva i industrije.

Predsjedanje domom nakratko je preuzeo Aljoša Čampara, potpredsjedavajući Doma naroda.

Delegatima su se obratili i Amir Jerlagić i Lejla Kusturica, predstavnici udruženja.

U raspravi su učestvovali Elmedin Konaković, Damir Marjanović, Marko Saraf, Vesna Saradžić, Zvonko Marić, Mladen Simić, Ivan Ivić, Aner Žuljević, Damir Džeba, Ivo Tadić, Jasmin Duvnjak, Tomislav Martinović, Senad Ahmetović, Ramo Isak i Halko Balavac.

Na osnovu rezultata glasanja, predsjedavajući je konstatovao da je Dom naroda sa 41 glasom za, bez glasova protiv i bez suzdržanih prihvatio sljedeći:

ZAKLJUČAK

1. Dom naroda Parlamenta Federacije BiH prihvata Nacrt zakona o dopunama Zakona o električnoj energiji u Federaciji BiH, te smatra da može poslužiti kao osnov za izradu Prijedloga zakona.
2. Zadužuje se predlagač da obavi javnu raspravu o ovom Nacrtu zakona u roku od 60 dana i o tome obavijesti Dom naroda.
3. Zadužuje se predlagač zakona da do završetka javne rasprave ishodi mišljenja nadležnih kantonalnih tijela po pitanju koja tretira ovaj nacrt zakona.
4. Zadužuje se predlagač da, prilikom izrade Prijedloga zakona ima u vidu primjedbe, prijedloge i sugestije iznesene na sjednici Doma naroda kao i one koje će biti iznesene u javnoj raspravi.

Predsjedavajući je obavijestio delegate da je ovo ujedno i 105. zakon koji je Dom naroda u ovom mandatu usvojio, odnosno ukupno 29 zakona po hitnom postupku, 25

zakona po skraćenom postupku, 12 zakona po redovnom postupku, 30 nacrt zakona i tri zakona koja su usvojena u različitim tekstovima.

Sjednica je prekinuta u 17:40 sati.

NASTAVAK SJEDNICE OD 15.12.2021. GODINE

Sjednica je počela sa radom u 13 sati i 50 minuta.

Sjednicom je predsjedavao Tomislav Martinović, predsjedavajući Doma naroda.

Izostanak sa nastavka 15. sjednice su najavili sljedeći delegati: Dragana Damjanović, Žarko Vujović, Marija Rašić, Nikica Bosnić, Edim Fejzić, Elmedin Konaković, Aleksandar Štrbac, Slađan Ilić, Tomislav Mandić, Zdenka Džambas i Ilija Nakić.

Prema evidenciji Stručne službe sjednici prisustvuje 33 delegata što čini većinu, pa Dom naroda može raditi i punovažno odlučivati.

Za nastavak sjednice preostale su sljedeće tačke dnevnog reda:

- 10) Nacrt zakona o izmjenama Zakona o veterinarstvu
- 11) Nacrt zakona o advokaturi u FBiH
- 12) Nacrt zakona o vještacima u FBiH
- 13) Nacrt zakona o izmjenama Zakona o matičnim knjigama
- 14) Nacrt zakona o izmjenama i dopunama Zakona o sukobu interesa u tijelima vlasti u FBiH, (predlagači Elmedin Konaković i Irfan Čengić)
- 15) Strategija razvoja FBiH 2021.- 2027.godina
- 16) Prijedlog odluke o prihvatanju zaduženja po Ugovoru o finansiranju između BiH i EiB za realizaciju Projekta gradski prevoz u Sarajevu
- 17) Zaključak Komisije za sigurnost Doma naroda Parlamenta FBiH

10. Nacrt zakona o izmjenama Zakona o veterinarstvu,

Tekst Zakona utvrdila je Vlada Federacije BiH i dostavila ga Parlamentu Federacije BiH radi razmatranja i donošenja.

Predstavnički dom obavijestio je Dom naroda da je na 6.sjednici razmatrao Nacrt zakona o izmjenama Zakona o veterinarstvu i Zaključkom ga prihvatio.

Nacrt zakona su razmatrala nadležna radna tijela.

Predsjedavajući je predložio da se ova tačka dnevnog reda skine sa dnevnog reda zato što niko od predlagača nije prisustvovao sjednici.

Na osnovu rezultata glasanja, prijedlog da se ova tačka skine sa dnevnog reda je jednoglasno prihvaćen.

11. Nacrt zakona o advokaturi Federacije Bosne i Hercegovine,

Tekst Zakona utvrdila je Vlada Federacije BiH i dostavila ga Parlamentu Federacije BiH.

Predstavnički dom obavijestio je Dom naroda da je na 19. sjednici, održanoj 24.2.2021. godine, razmatrao Nacrt zakona o advokaturi Federacije Bosne i Hercegovine i Zaključkom ga prihvatio.

Nacrt zakona su razmatrala nadležna radna tijela i dostavila svoje izvještaje.

Prijedlog zakona obrazložio je Damir Šapina, predstavnik Vlade Federacije BiH.

U raspravi je učestvovala Iva Raguž.

Na osnovu rezultata glasanja, predsjedavajući je konstatovao da je sa 33 glasa za, Dom naroda prihvatio sljedeći:

Z A K L J U Č A K

1. Dom naroda Parlamenta FBiH prihvata Nacrt zakona o advokaturi Federacije BiH i smatra da može poslužiti kao osnov za izradu Prijedloga zakona.
2. Zadužuje se predlagač da organizuje i provede javnu raspravu u trajanju od 60 dana.
3. Zadužuje se predlagač da, prilikom izrade Prijedloga zakona, ima u vidu primjedbe, prijedloge i sugestije iznesene u raspravi na sjednici Doma naroda, primjedbe iznesene u javnoj raspravi, kao i one koje su dostavljene ili će biti dostavljene u pismenom obliku.

12. Nacrt zakona o vještacima u Federaciji Bosne i Hercegovine,

Nacrt zakona utvrdila je Vlada Federacije BiH i dostavila ga Parlamentu Federacije BiH.

Predstavnički dom obavijestio je Dom naroda da je na 19. sjednici, održanoj 24.2.2021. godine, razmatrao Zakon o vještacima u Federaciji BiH i Zaključkom ga prihvatio.

Nacrt zakona razmatrala su nadležna radna tijela i dostavila svoje izvještaje.

Nacrt zakona obrazložio je Damir Šapina, predstavnik Vlade Federacije BiH..

U raspravi je učestvovao Rasim Pajić.

Na osnovu rezultata glasanja, Predsjedavajući je konstatovao da je Dom naroda sa 33 glasa za, bez glasova protiv i bez suzdržanih glasova prihvatio sljedeći:

Z A K L J U Č A K

1. Dom naroda Parlamenta FBiH prihvata Nacrt zakona o vještacima u Federaciji BiH i smatra da može poslužiti kao osnov za izradu Prijedloga zakona
2. Zadužuje se predlagač da organizuje i provede javnu raspravu u trajanju od 60 dana
3. Zadužuje se predlagač da prilikom izrade Prijedloga Zakona ima u vidu primjedbe, prijedloge i sugestije iznesene u raspravi na sjednici Doma naroda i javnoj raspravi kao i one koje su dostavljene ili će biti dostavljene u pismenom obliku.

13. Nacrt Zakona o izmjeni Zakona o matičnim knjigama,

Vlada Federacije BiH utvrdila Nacrt Zakona i dostavila ga Parlamentu Federacije BiH.

Predstavnički dom obavijestio je Dom naroda da na 20. sjednici održanoj 30.3.2021.godine nije prihvatio da se Prijedlog Zakona o izmjeni Zakona o matičnim knjigama razmatra po skraćenom postupku nego je vratio u redovnu proceduru u formi Nacrta i Zaključkom ga prihvatio .

Nacrt zakona razmatrala su nadležna radna tijela i dostavila svoje izvještaje.

Nacrt zakona obrazložio je Aljoša Čampara, federalni ministar unutrašnjih poslova.

U raspravi je učestvovao Senad Ahmetović.

Na osnovu rezultata glasanja, predsjedavajući je konstatovao da je sa 33 glasa za, bez glasova protiv i bez suzdržanih glasova Dom naroda prihvatio sljedeći

Z A K L J U Č A K

1. Dom naroda Parlamenta FBiH prihvata Nacrt zakona o izmjenama Zakona o matičnim knjigama i smatra da može poslužiti kao osnov za izradu Prijedloga zakona.
2. Zadužuje se predlagač da prilikom izrade Prijedloga zakona ima u vidu primjedbe, prijedloge i sugestije koje su dostavljene odnosno koje će biti dostavljene u pismenoj formi.

14. Nacrt zakona o izmjenama i dopunama Zakona o sukobu interesa u organima vlasti u Federaciji BiH

Predlagači Nacrta zakona su Elmedin Konaković, delegat iz Doma naroda i Irfan Čengić, poslanik iz Predstavničkog doma Parlamenta Federacije BiH.

Predstavnički dom obavijestio je Dom naroda da na 27. sjednici, održanoj 30.11.2021. godine, nije prihvatio da se Prijedlog zakona o izmjenama i dopunama Zakona o sukobu interesa u organima vlasti u Federaciji BiH razmatra po skraćenom postupku te je isti vraćen u redovnu proceduru odnosno u formu Nacrta zakona i Zaključkom ga prihvatio.

Nacrt zakona obrazložio je Irfan Čengić, poslanik u Predstavničkom domu Parlamenta Federacije BiH.

U raspravi su učestvovali Jasmin Duvnjak, Aljoša Čampara, Nijaz Musić i Aner Žuljević.

Na osnovu rezultata glasanja, Presjedavajući je konstatovao da je Dom naroda sa 33 glasa za, bez glasova protiv i bez suzdržanih glasova Dom naroda prihvatio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt zakona o izmjenama i dopunama Zakona o sukobu interesa u organima vlasti u Federaciji Bosne i Hercegovine i smatra da može poslužiti kao osnov za izradu Prijedloga zakona.
2. Zadužuje se predlagač da organizuje i provede javnu raspravu u trajanju od 60 dana.
3. Zadužuje se predlagač da, prilikom izrade Prijedloga zakona, imaju u vidu primjedbe, prijedloge i sugestije iznesene na sjednici Doma naroda, javnoj raspravi, kao i one koje su dostavljene ili će biti dostavljene u pismenoj formi.

15. Strategija razvoja Federacije BiH 2021.- 2027.godine,

Vlada Federacije BiH dostavila je Strategiju razvoja Federacije BiH Parlamentu Federacije radi razmatranja i donošenja.

Predstavnički dom je obavijestio Dom naroda da je na 21. sjednici, održanoj 27.04.2021.godine, usvojio Strategiju razvoja Federacije BiH za period 2021-2027.godine.

Predstavnik Vlade Federacije BiH je ispred Vlade Federacije BiH saopštio, da se radi daljnjih konsultacija, Strategija razvoja Federacije BiH 2021.-2027. godine, povlači sa dnevnog reda.

16. Prijedlog odluke o prihvatanju zaduženja po Ugovoru o finansiranju između Bosne i Hercegovine i Evropske investicijske banke (EIB) za realizaciju Projekta Gradski prevoz u Sarajevu,

Vlada Federacije BiH dostavila je Parlamentu Federacije BiH Prijedlog odluke o prihvatanju zaduženja po Ugovoru o finansiranju između Bosne i Hercegovine i Evropske investicijske banke (EIB) za realizaciju Projekta Gradski prevoz u Sarajevu.

Predstavnički dom je obavijestio Dom naroda da je na 24. sjednici, održanoj 27.07.2021. godine, donio Odluku o prihvatanju zaduženja po Ugovoru o finansiranju između Bosne i Hercegovine i Evropske investicijske banke (EIB) za realizaciju Projekta Gradski prevoz u Sarajevu.

Prijedlog Odluke su razmatrala su nadležna radna tijela i dostavila svoje izvještaje.

Na osnovu rezultata glasanja, predsjedavajući je konstatovao da je sa 32 glasa za, bez glasova protiv i bez suzdržanih glasova, Dom naroda donio Odluku o prihvatanju zaduženja po Ugovoru o finansiranju između Bosne i Hercegovine i Evropske investicijske banke (EIB) za realizaciju Projekta Gradski prevoz u Sarajevu.

17. Zaključak Komisije za sigurnost Doma naroda Parlamenta Federacije BiH

Ovaj Zaključak je predložila Komisija za sigurnost Doma naroda Parlamenta Federacije BiH.

Predsjedavajući je obavijestio Dom naroda da je Nezavisni odbor dostavio Informaciju u vezi ovih zaključaka Predsjedavajućem Doma naroda i Predsjedniku Komisije za sigurnost Doma naroda Parlamenta Federacije BiH.

Predsjedavajući je pozvao predsjednika Komisije za sigurnost Doma naroda Parlamenta Federacije BiH Nijazu Musića da obavijesti delegate o Informaciji Nezavisnog odbora, odnosno da obrazloži zaključke Komisije za sigurnost Doma naroda.

Delegat Nijaz Musić je pročitao Zaključak Komisije za sigurnost Doma naroda koji je predložen na početku 15. sjednice Doma naroda:

Z A K L J U Č A K

1. Dom naroda Parlamenta Federacije BiH traži od Nezavisnog odbora da u skladu sa članom 56. stav 5. Zakona o unutrašnjim poslovima Federacije BiH kvartalno izvještava Parlament Federacije BiH o radu direktora Policije, kao i da dostavi odgovor zašto to do sada nisu uradili.
2. Komisija za sigurnost Doma naroda Parlamenta Federacije traži od Doma naroda i Predstavničkog doma da formiraju radnu grupu, odnosno Komisiju za izbor i imenovanja obzirom da Nezavisnom odboru ističe mandat krajem maja 2022. godine a postupak izbora Nezavisnog odbora pokreće se šest mjeseci prije isteka mandata postojećeg Nezavisnog odbora u skladu sa članom 48. Stav 2. Zakona o unutrašnjim poslovima Federacije BiH.

3. Dom naroda zadužuje Vladu Federacije BiH da u što kraćem roku okonča proceduru imenovanja direktora Federalne uprave policije u skladu sa važećim propisima.

Predsjedavajući je obavijestio delegate da je 14.12.2021. godine, od strane predsjednika Nezavisnog odbora predsjedavajućem Domu naroda dostavljena informacija o radu Nezavisnog odbora, koja se tiče elemenata Izvještaja o radu Nezavisnog odbora, a koja se dijelom odnosi i na jednu od tački zaključaka koje je predložila Komisija za sigurnost Doma naroda, kojim se kaže da je „Nezavisni odbor od početka mandata redovno dostavljao izvještaje predsjedavajućim oba Doma Parlamenta Federacije BiH, Federalnom ministru unutrašnjih poslova i Vladi Federacije BiH, a kako je propisano članom 56. stavom 5. Zakona o unutrašnjim poslovima Federacije BiH“.

Predsjednik Kluba delegata hrvatskog naroda Ivo Tadić, je zatražio pauzu od 10 minuta u ime Kluba.

Poslije pauze Ivo Tadić je u ime Kluba delegata hrvatskog naroda predložio jednu izmjenu, na način da se izvrši izmjena koja bi glasila: „Dom naroda zadužuje Vladu Federacije BiH da u roku od 30 dana imenuje direktora Federalne uprave policije u skladu sa važećim Zakonom“, odnosno da umjesto „u što kraćem roku“ stoji „u roku od 30 dana“.

Predsjednik Komisije za sigurnost Doma naroda, Nijaz Musić je u ime Komisije saopštio da prihvataju izmjenu predloženu od strane Kluba delegata hrvatskog naroda.

Predsjedavajući je nakon toga stavio na glasanje Zaključak koji je predložila Komisija za sigurnost i na osnovu rezultata glasanja, konstatovao da Zaključak nije dobio potrebnu većinu, jer je glasalo 29 delegata.

Delegat Ivo Tadić je uz podršku dva delegata zatražio pojedinačno izjašnjanje.

Na osnovu pojedinačnog izjašnjanja koje je izvršio sekretar Doma naroda Izmir Hadživdić, predsjedavajući je konstatovao da sa 29 glasova za, ovaj Zaključak nije dobio potrebnu većinu

Sjednica je završila s radom u 15:25 sati.

Transkript sjednice čini sastavni dio Zapisnika.

SEKRETAR
Izmir Hadživdić

PREDSJEDAVAJUĆI
Tomislav Martinović